

5 января, предпраздн РХ, Мучеников, иже в Крите

3-й час

Священник: Благословен Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалмы

Псалом 16

Услыши, Господи, правду мою, вонми молению моему, внуши молитву мою не во устнах лстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возлаголют уста моя дел человеческих, за словеса устен Твоих аз сохраню пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя.

Удиві мѣлости Твоѣ, спасаѣя уповающе на Тя от противящихся деснице Твоѣй. Сохрани мя, Господи, яко зѣницу ока, в крове крилу Твоею покрѣеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгонящии мя ныне обыдоша мя, очи свой возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и загни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоѣй.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо все терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоѣй помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мой вину ко Господу, яко Той исторгнет от сети нозе мой. Призри на мя и помилуй мя, яко единокровный и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюся мне, яко потерпех Тя, Господи. Избави, Боже, Израиля от всех скорбей его.

Псалом 50

Помилуй мя, Боже, по велицей милости Твоѣй, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, вегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омьешь мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже,

5 января, предпраздн РХ, Мучеников, иже в Крите

Бóже спасéния моего, возра́дуется язы́к мой пра́вде Твое́й. Го́споди, устне́ мой отве́рзеши, и уста́ моя́ возвестя́т хвалу́ Твою́. Яко́ а́ще бы восхотéл еси́ жéртвы, дал бых у́бо, всесо́жжéния не благоволи́ши. Жéртва Бо́гу дух сокруше́н, се́рдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стéны Иерусали́мския. Тогда́ благоволи́ши жéртву пра́вды, возноше́ние и всесожега́емая: тогда́ возложáт на олта́рь Твой тельцы́.

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, поми́луй. *(Трижды)*

Тропари

Тропа́рь предпразднства Рождества́ Христо́ва, глас 4

Гото́вися, Вифлеэ́ме, / отве́рзися всем, Еде́ме, / красуй́ся, Евфра́фо, / яко́ дре́во живота́ в верте́пе процветé от Дéвы: / рай бо О́ноя чре́во яви́ся мы́сленный, / в нёмже Боже́ственный сад, / от него́же я́дше, жи́ви бу́дем, / не, яко́же Ада́м, у́мрем. / Христо́с ражда́ется пре́жде па́дший возста́вити о́браз.

Сла́ва Отцу́, и Сы́ну, и Свято́му Ду́ху.

Тропа́рь мучеников, иже в Крите, глас 4

Му́ченицы Тво́й, Го́споди, / во страда́ниях сво́их венцы́ прия́ша нетле́нныя от Тебе́, Бо́га на́шего, / и́муще бо крéпость Твою́, мучи́телей низложи́ша, / сокруши́ша и де́монов немощны́я де́рзости. / Тех моли́твами / спаси́ ду́ши на́ша.

И ны́не, и присно, и во ве́ки веко́в. Ами́нь.

Богороди́чен: Богоро́дице, Ты еси́ лоза́ и́стинная, / возрасти́вшая нам Пло́д живота́, / Тебе́ мо́лимся: / моли́ся, Влады́чице, со святы́ми апо́столы / поми́ловати ду́ши на́ша.

Госпо́дь Бог благослове́н, / благослове́н Госпо́дь день дне, / поспеши́т нам Бог спасе́ний на́ших, / Бог наш, Бог спаса́ти.

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды)*.

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

О́тче наш, И́же еси́ на небесе́х! Да святи́тся и́мя Твое́, да прии́дет Ца́рствие Твое́, да бу́дет во́ля Твоя́, яко́ на небеси́ и на земли́. Хлеб наш насущный да́ждь нам днесь; и оста́ви нам до́лги на́ша, яко́же и мы оставля́ем должникóм на́шим; и не введи́ нас во искуше́ние, но изба́ви нас от лука́ваго.

Священник: Яко́ Твое́ есть Ца́рство и сила и сла́ва Отца́ и Сы́на и Святого́ Ду́ха, ны́не и присно и во веки веков.

5 января, предпраздн РХ, Мучеников, иже в Крите

Чтец: Амѣнь.

Кондак

Кондак предпразднства Рождества Христова, глас 3

Дѣва днесь Превѣчное Слово/ в вертѣпе грядѣт родити неизречѣнно:/ ликуй, вселѣнная, услышавши,/ прослави со Ангелы и пастырьми/ хотящаго явитися Отроча Млаго, Превѣчнаго Бога.

Господи, помилуй *(40 раз)*.

Иже на всякое время и на всякий час, на Небеси и на земли, покланяемый и славимый, Христѣ Боже, Долготерпеливе, Многомилостиве, Многоблагоутробне, Иже праведныя любий и грешныя милуяй, Иже вся зовий ко спасенію обещанія ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, ограді нас святыми Твоими Ангелы, да ополчением их соблюдаеми и наставляеми, достигнем в соединеніе веры и в разум неприступныя Твоея славы, яко благословен еси во веки веков, амѣнь.

Господи, помилуй *(Трижды)*.

Слава Отцу и Сыну и Святому Духу, и ныне и присно и во веки веков. Амѣнь.

Честнейшую Херувим / и славнейшую без сравнения Серафим, / без исленія Бога Слова рождшую, / сущую Богородицу, Тя величаем.

Именем Господним благослови, отче.

Священник: Молитвами святых отец наших, Господи, Иисусе Христѣ, Боже наш, помилуй нас.

Чтец: Амѣнь.

Молитва святого Мардария

Владыко Боже Отче Вседержителю, Господи Сыне Единородный Иисусе Христѣ, и Святыи Душе, Едино Божество, Едина Сила, помилуй мя, грешнаго, и ижеже веся судьбами, спаси мя, недостойнаго раба Твоего, яко благословен еси во веки веков, амѣнь.

6-й час

Чтец: Приидите, поклонимся Цареві нашему Богу.

Приидите, поклонимся и припадѣм Христу, Цареві нашему Богу.

Приидите, поклонимся и припадѣм Самому Христу, Цареві и Богу нашему.

Псалмы

Псалом 53

Бóже, во ѿмя Твое спаси мя, и в силе Твоей суди ми. Бóже, услыши молитву мою, внуши глаголы уст моих. Яко чужднии восташа на мя и крепцыи взыскаша душу мою, и не предложаша Бóга пред собою. Се бо Бог помогает ми, и Господь заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрел око мое.

Псалом 54

Внуши, Бóже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклониша на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет приидет на мя и покры мя тьма. И рех: кто даст ми криле, яко голубине? И полещу, и почию? Се удалихся бегая и водворихся в пустыни. Чаях Бóга, спасающаго мя от малодушия и от бури. Потопи, Господи, и раздели языки их: яко видех беззаконие и пререkanie во граде. Днем и нощию обидет и по стенам его. Беззаконие и труд посреде его и неправда. И не оскуде от стогн его лихва и лесь. Яко аще бы враг поносил ми, претерпел бых убо, и аще бы ненавидяи мя на мя велеречевал, укрыл бых ся от него. Ты же, человек равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да приидет же смерть на ня, и да снудут во ад живи, яко лукавство в жилищах их, посреде их. Аз к Бóгу возвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бóга. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возверзи на Господа печаль твою, и Той тя препитает, не даст в век мольбы праведнику. Ты же, Бóже, низведши их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90

Живый в помощи Вышняго, в крове Бóга небеснаго водворится. Речет Господеву: Заступник мой еси и прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешься: оружием обидет тя истина Его. Не убойшися от страха ночнаго, от стрелы летящая во дни, от вещи во тьме переходящая, от сряща и беса полуденнаго. Падет от страшны твоея тысяща, и тьма одесную тебе, к тебе же не приблизится, обаче очима твоима смотриши и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На ру-

5 января, предпраздн РХ, Мучеников, иже в Крите

ка́х во́змут тя, да не когда́ преткне́ши о ка́мень но́гу твою́, на а́спида и васи́ли́ска на-
сту́пиши, и попере́ши льва и зми́я. Я́ко на Мя упова́, и изба́влю и́, покрýю и́, я́ко позна́
и́мя Моё. Воззо́вет ко Мне, и услы́шу его́, с ним есмь в ско́рби, изму́ его́ и просла́влю
его́, долго́ю дний испо́лню его́ и явлю́ ему́ спасе́ние Моё.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же *(Трижды)*.

Го́споди, поми́луй *(Трижды)*.

Тропари

Тропа́рь предпразднства Рождества́ Христо́ва, глас 4

Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во живота́ в
верте́пе процвете́ от Де́вы:/ рай бо О́ноя чре́во яви́ся мы́сленный,/ в нёмже Боже́ствен-
ный сад,/ от него́же я́дше, жи́ви бу́дем,/ не, я́коже Ада́м, у́мрем./ Христо́с ражда́ется
пре́жде па́дший возста́вити о́браз.

Сла́ва Отцу́, и Сы́ну, и Свято́му Ду́ху.

Тропа́рь мучеников, иже в Крите, глас 4

Му́ченицы Тво́й, Го́споди,/ во страда́ниих сво́их венцы́ при́яша нетле́нныя от Тебе́,
Бо́га на́шего,/ и́муще бо кре́пость Твою́, мучи́телей низложи́ша,/ сокруши́ша и де́мо-
нов немощны́я де́рзости./ Тех моли́твами/ спаси́ ду́ши на́ша.

И ны́не, и прісно, и во ве́ки веко́в. Ами́нь.

Богороди́чен: Я́ко не и́мамы дерзнове́ния за премно́гия грехи́ на́ша, / Ты и́же от Тебе́
Ро́ждшагося моли́, Богороди́це Де́во, / мно́го бо мо́жет моле́ние Ма́тернее ко благосе́р-
дию Влады́ки. / Не презри́ грешных мольбы́, Всечи́стая, / я́ко ми́лостив есть и спасти́
моги́й, / И́же и страда́ти о нас изво́ливый.

Скóро да предва́ря́т ны щедро́ты Тво́я, Го́споди, / я́ко обнища́хом zeló; / помози́ нам,
Бо́же, Спа́се наш, / сла́вы ра́ди И́мене Твоего́, Го́споди, изба́ви нас / и очисти́ грехи́
на́ша, И́мене ра́ди Твоего́.

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ безза-
ко́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды)*.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на Небесе́х! Да святи́тся и́мя Твое́, да приидет Ца́рствие Твое́, да
бу́дет во́ля Тво́я, я́ко на Небеси́ и на земли́. Хлеб наш насущный да́ждь нам днесь; и
оста́ви нам до́лги на́ша, я́коже и мы оставля́ем должни́ком на́шим; и не введи́ нас во
искуше́ние, но изба́ви нас от лука́ваго.

5 января, предпраздн РХ, Мучеников, иже в Крите

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Кондак

Кондак предпразднства Рождества Христова, глас 3

Дева днесь Превечное Слово/ в вертепе грядет родити неизреченно:/ ликуй, вселенная, услышавши,/ прослави со Ангелы и пастырьми/ хотящаго явится Отроча Младо, Превечнаго Бога.

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединении веры и в разум неприступныя Твоея славы, яко благословен еси во веки веков, аминь.

Господи помилуй (Трижды).

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Именем Господним благослови, отче.

Священник: Молитвами святых отец наших, Господи, Иисусе Христэ, Боже наш, помилуй нас.

Чтец: Аминь.

Молитва свт. Василия Великого

Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляемы, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

Божественная Литургия свт. Иоанна Златоуста

Тропари по входе

Тропарь пред-/попразднства

Тропарь предпразднства Рождества Христова, глас 4

Готóвися, Вифлеéме,/ отвéрзися всем, Едéме,/ красúйся,
Евфра́фо,/ я́ко дрéво животá в вертéпе процветé от Дéвы:/ рай бо
О́ноя чрэво яв́ися мýсленный,/ в нёмже Божéственный сад,/ от
негóже я́дше, жи́ви б́удем,/ не, я́коже Ада́м, у́мрем.// Христо́с
ражда́ется прéжде па́дший возста́вити о́браз.

Тропарь храма

Тропарь праздника/святого

Тропарь мучеников, иже в Крите, глас 4

Мýченицы Твои́, Го́споди,/ во страда́ниях свои́х венцы́ при́яша
нетле́нные от Тебе́, Бо́га на́шего,/ и́муще бо крéпость Твою́,
мучи́телей низложи́ша,/ сокруши́ша и де́монов немощны́я
де́рзости./ Тех моли́твами// спаси́ ду́ши на́ша.

Кондак храма

Сла́ва Отцу́, и Сы́ну, и Свято́му Ду́ху.

Кондак праздника/святого

Кондак мучеников, иже в Крите, глас 4

5 января, предпраздн РХ, Мучеников, иже в Крите

Денница возсия мучеников/ честно страдальчество
предозаряющее нам в вертепе раждаемаго:// Егже Дева
безсеменно роди.

И ныне, и присно, и во веки веков. Аминь.

Кондак предпразднства Рождества Христова, глас 3

Дева днесь Превечное Слово/ в вертепе грядет родити
неизреченно:/ ликуй, вселенная, услышавши,/ прослави со
Ангелы и пастырьми// хотящаго явится Отроча Младо,
Превечнаго Бога.

Прокимен

Понедельник. Прокимен дня

Чтец: Прокимен, глас 4: Творяй ангелы Своя духи, / и слуги Своя пламень огненный.

Лик: Творяй ангелы Своя духи, / и слуги Своя пламень
огненный.

Чтец: Стих: Благослови, душе моя, Господа, Господи Боже мой, возвеличился еси
зело.

Лик: Творяй ангелы Своя духи, / и слуги Своя пламень
огненный.

Прокимен мучеников, иже в Крите

Чтец: Прокимен, глас 4: Святым, иже суть на земли Его, / удиви Господь вся хотения
Своя в них.

Лик: Святым, иже суть на земли Его, / удиви Господь вся
хотения Своя в них.

И чтец надписание Апостола: Ко Евреем послания святаго Апостола Павла чтение.

И паки диакон: Вонем.

Зачало 329А В понедельник 31-я недели. (Евр.11:17-23,27-31)

Братие, верою приведу Авраам Исаака искушаемь, и единороднаго приношаше, обето-
вания приемый, к нему же глаголаше бысть: яко о Исааце наречет ти ся семя. Помы-
слив, яко и из мертвых воскресити силен есть Бог, темже того и в притчи прият.

5 января, предпраздн РХ, Мучеников, иже в Крите

Вѣрою о грядущих благослові Исаак Иакова и Исава. Вѣрою Иаков умирая коегѣждо сына Иосифова благослові и поклонися на верх жезла егѣ. Вѣрою Иосиф умирая о исхожденіи сынов Израилевых памятствова и о костех своих заповѣда. Вѣрою Моисей родився сокровен бысть три мѣсяцы от отец своих, зане видеша краснѣ отроча и не убойшася повелѣния царѣва. Вѣрою остави Египет, не убойвсѣя ярости царѣвы, Невидимаго бо яко видя, терпяше. Вѣрою сотвори Пасху и пролитіе крове, да не погубляяй перворожденная коснется их. Вѣрою преидоша Чермное море аки по сусе земли, егѣже искушеніе приѣмше Египтяне истопишася. Вѣрою стѣны Иерихонския падоша обхожденіем седмих дней. Вѣрою Раав блудница не погибе с сопротивльшимися, приѣмши сходники с миром и иным путем изведши.

Под зачало:

Зачало 333А Во вторник 31-я недели. (Евр.12:25-26,13:22-25)

Блюдите же, да не отречѣтесѣ Глаголющаго. Аще бо не избежаша онѣ отрѣкшиися пророчествующаго на земли, множае паче мы отрицающіиися Небеснаго, Егѣже глас землю тогда поколеба, ныне же обетова, глаголя: еще единою аз потрясу не токмо землю, но и небом. Молю же вы, братіе, примите слово утешѣнія, ибо вмале написав послал вам. Знайте брата нашего отпущена Тимофея, с нимже, аще скорѣе приидет, узрю вас. Целуйте вся наставники ваша и вся святыя. Целуют вы иже от Италиі сущіи. Благодать со всеми вами. Аминь.

мучеников, иже в Крите:

Зачало 233 Неделя 27. Сие же и в субботу по Просвещении. (Еф.6:10-17)

Братіе, возмогайте о Господе и в державе крепости Егѣ, облѣчьтесѣ во вся оружія Божія, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради примите вся оружія Божія, да возможете противитися в день лют и вся содеявше стати. Станите убо препоясани чресла ваша истинною, и облѣкшесѣ в броня правды, и обувше нозе во уготовање благовествованія мира, над всеми же восприимше щит веры, в немже возможете вся стрѣлы лукаваго разжженныя угасити. И шлем спасенія восприимите, и меч духовный, иже есть глагол Божий.

Чтец: Аллилуя. Аллилуя. Аллилуя, глас 8.

Понедельник. Аллилуарий дня

Чтец: Хвалите Господа, вси ангели Егѣ, хвалите Егѣ, вся силы Егѣ.

Лик: Аллилуя. Аллилуя. Аллилуя.

Чтец: Стих: Яко Той рече и быша, Той повеле и создашася.

Лик: Аллилуя. Аллилуя. Аллилуя.

Аллилуарий мучеников, иже в Крите

5 января, предпраздн РХ, Мучеников, иже в Крите

Чтец: Возвѣша праведнии, и Господь услыша их, и от всех скорбей их избави их.

Лик: Аллилуиа. Аллилуиа. Аллилуиа.

Причастны

Творяй Ангелы Своѣ дѹхи и слуги Своѣ пламень огненный.

Радуйтеся, праведнии, о Господе, правым подобает похвала.

Аллилуиа. Аллилуиа. Аллилуиа.